



MASTER 4.0 2. NEWSLETTER

Održan drugi transnacionalni online sastanak partnera

Drugi transnacionalni projektni sastanak trebalo je da se održi u Skopju, Sjevernoj Makedoniji, ali se zbog pandemije koronavirusa održao online, **28. i 29.5.2020.** Partneri su predstavili svoj rad na izradi ispitnih pitanja i programa, kao i napredak izrade online platforme. Održan je i poseban online sastanak **9.6.2020.** u svrhu zajedničkog rada na ispitnim pitanjima za opšti dio majstorskog ispita.

Izrađen Metodološki okvir sa smjernicama za izradu ispitnih pitanja

Kako bi se osiguralo ujednačavanje pitanja za majstorske ispite za sva zvanja u svim projektnim državama, Hrvatska obrtnička komora je uz pomoć projektnih partnera, izradila **Metodološki okvir sa smjernicama za izradu ispitnih pitanja.** Polazište izrade okvira bio je webinar na istu temu koji je organizovala Algebra. Posebna pažnja u metodološkom okviru stavljena je na *vrste vrednovanja znanja, ishode učenja, nivoe znanja i vještina, te detaljnu razradu razvoja ispita, s posebnim naglaskom na vrste ispitnih zadataka te bodovanje odnosno ocjenjivanje.* Osim unapređenja opštih dijelova ispita (privreda i pravni propisi, radna pedagogija) te odabranih stručno-teorijskih dijelova ispita za pojedina zvanja, izrađeni okvir biće polazište za daljnje unapređenje ispitnih pitanja za stručno-teorijske dijelove ispita za ostala zvanja u partnerskim državama.

Krenula izrada programa i pitanja za majstorske ispite u partnerskim državama

Na temelju izrađenog okvira, partneri iz Hrvatske, Slovenije, Sjeverne Makedonije i Crne Gore krenuli su s izradom novih ispitnih pitanja za majstorske ispite. U svim partnerskim državama unapređuju se ispitna pitanja za opšte dijelove ispita, na čemu partneri sarađuju i razmjenjuju iskustva. U tu svrhu, organizovan je **9.6.2020.** poseban online sastanak na kojem su analizirani primjeri ispitnih pitanja iz različitih država iz područja radne pedagogije, te je Hrvatska obrtnička komora kao vodeći partner u ovom dijelu projekta, davala smjernice i savjete u vezi sa poboljšanjem i prilagođavanjem ispitnih pitanja. Obrtno-podjetnička zbornica Slovenije unapređuje stručno-teorijske dijelove majstorskog ispita za zvanja *tesar, zidar i elektroinstalater*, dok partneri iz Sjeverne Makedonije: Zanatska komora Skoplje i udruženje Sretan Život izrađuju pitanja za stručno-teorijski dio ispita za zanimanje *kozmetičar*, te programe ispita za zanimanja *automehaničar* i *pekar*. **Zanatsko-preduzetnička komora Crne Gore** izrađuje ispitna pitanja za stručno-teorijski dio ispita za zvanje *krojač visoke mode (m/ž)* te program majstorskog ispita i ispitna pitanja za zvanje *fotograf (m/ž)*.



Napredovala izrada online platforme za pripremu i polaganje majstorskog ispita

Kako bi se dodatno unaprijedilo polaganje majstorskog ispita u partnerskim državama, u sklopu projekta izrađuje se online platforma koja se sastoji od otvorenog dijela, te dijelova za pripremu i polaganje majstorskog ispita. Dio online platforme koji će biti otvoren za javnost omogućit će svima zainteresiranim uvid u sprovođenje majstorskog ispita te će na taj način promovirati majstorsko zvanje. Platformu izrađuje Algebra. Tokom online sastanka partnera krajem 5. mjeseca 2020., Algebra je predstavila funkcionalnosti platforme koje su dosad pripremljene, kao i prijedlog „landing“ stranice, preko koje će zainteresovana javnost i kandidati pristupiti ispitu.

Koordinator projekta:

Hrvatska obrtnička komora
master4.0@hok.hr +38514806611

Saznajte više o projektu:

<https://e-majstor.eu/>
<https://www.facebook.com/emajstor.eu>

Ova publikacija je ostvarena uz financijsku podršku Europske komisije. Ona izražava isključivo stanovišta njenih autora i Komisija se ne može smatrati odgovornom pri upotrebi informacija koje se u njoj nalaze.